

T5236.7 / 2213

6

6

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

MAR 14 1932

皇明文徵卷五

晉江何喬遠祥孝選

賦五

物畜

繪紳

劉球

畜鷹賦

惟鷹之為鳥有號曰鷓鴣鍾尖精以為武德景  
念氣而多伐謀習學則時乃夏祭鳥而天以秋

皇明文徵卷五

晉江何喬遠稗孝選



賦五

物畜

縉紳

劉球

畜鷹賦

惟鷹之爲鳥有號曰鷓鳩鍾炎精以爲武德稟  
金氣而多伐謀習學則時乃夏祭鳥而天以秋

威以時養翎以日修非其類不與非其林不休  
此羽族之雄傑百鳥所不得儔也是以有炳其  
文不一其色竦膺而昂脰博頸而健翮尾以合  
盧爲貴目若點漆之黑喙曲於酋矛趾利於鐵  
棘望遠兮若愁胡立屹兮若置石高舉則飄然  
凌乎九重之霄漢下視則廓然見乎萬里之山  
川倏然閩越忽然幽燕嶽靈不能障川后不能  
延其奮揚也有尚父之勇其捕逐也有子產之  
賢其數飛也髣髴乎學者之功其以小制大也

兼總乎御史之權故百獸望之而跡斂衆禽觸  
之則軀捐豈其情之好殺蓋亦天使其然也一  
旦應明詔沽善價貯雕笈覆黃帕足紆碧絲之  
緇以爲常首冠績韋之幘而少謝脫風霜於渤  
澥之濱濡雨露於闕廷之下顧玩嘆賞徘徊聖  
駕廼命鷹坊寧厥攸舍處之溫涼之室棲乎丹  
朱之架肥鮮飽於歲月食息時於晝夜幸遇比  
乘軒之鶴不殊親愛雖入懷之鷁莫跨使其才  
不絕倫則是寵也亦何繇而迂哉迨乎閉蟄屈

候冬狩及期萬乘雷動億騎雲隨則臂以金吾  
之衛士乘以內廐之驍騅左右乎紫鸞之駕後  
先乎翠鳳之旗入泱泱之野以較獵臨奔逐之  
時而脫羈是宜竭所能鼓厥翅與西旅之獒戮  
力東海之豹合勢大搏彼熊羆小獍此兔雉獻  
獲虞人奏功輿次以羞大庖以實賓器以爲乾  
豆祖廟是事思報效於萬一求以免乎素餐之  
愧則於恩爲不孤於德爲無負苟饑則惟人是  
依飽則高飛而遠去則雖有矯矯之翰善攫之

距較名而考實管鴟鴞之不如若困阨而賴濟  
于人爲臣而叨食於主蒙其施當懷其報可不  
鑒視於鷹乎

楊慎

鳳賦

黃帝晨坐於扈閣降觀於榮阿有鳥來巢命音  
交和乃召天老而問焉天老對曰西申之國丹  
穴之山爰有神鳥名爲鳳焉羽族三百六十以  
應周天天帝命此鳥以爲羽族先其爲狀也鴻

前而鱗後蛇頸而魚尾鸛頰而鴛腮龍文而龜  
身燕額而雞味鶴植而麗化首若護青戴仁也  
嬰若白堊抱義也背若赤丹負禮也胷若石墨  
蘊智也足下赭黃履信也厥像有六厥苞有九  
六像維何頭像天足像地日像在日月像在背  
翼像曰風尾像曰緯九苞維何口苞命眼合度  
耳總達舌屈伸色光彩冠短朱距兌鉤音激揚  
腹文戶天爲生食爰在積石其樹名曰瓊枝琦  
玕琅玕以爲實琅玕之腹是曰離珠一人三頭

逝卧逝起以伺琅玕與琦玕子棲必朝陽高岡  
之桐啄必紫脫蒼篋之粒其飲有儀其食有質  
其和鳴也小音金大音鼓音如簫自歌翰如干  
自舞昏鳴曰固常旦鳴曰發明晝鳴曰保章舉  
鳴曰上翔集鳴曰歸昌節節足足喞喞邕邕其  
音英英淒淒鏘鏘延頸奮翼五彩備明舉隨八  
風氣應時雨徊鬱島翔玄圃過崑崙軼底柱風  
穴暮宿弱水濯羽五彩晶英九文鮮明乃先天  
離宮之畜南方鶉火之精覽七德律五音通天

祉應地靈翥卽文始來卽嘉成惟鳳爲能天下  
有道得鳳象之一則鳳過而睨之得鳳象之二  
則鳳翔而企之得鳳象之三則鳳集而翮之得  
鳳象之四則鳳春秋會之得鳳象之五則鳳朝  
夕比之沒身居之矣於是時也鳳翩躚帝竹而  
不驚宿留帝梧而不去吸昆丘之琅霜吞嶧山  
之紫露馴於宮隣爲帝司晨扈于軫車以節路  
驅爰率其屬朝朝夜夜啜露翥鳳翔千百爲羣朝  
于明堂故曰鳳忘其翼鷲鳥忘其爪而可擾神

龍喪其角鷲獸忘其距而可御咸若鳥獸而柔  
緩疇若草木而葳蕤蒼麟白騶可繫而羈鳥巢  
鵲梁可俯而窺是以萬方來朝四靈咸依也乃  
若刳胎剔媿神龍不遊覆巢礪卵鳳不翔留四  
靈之端交違則萬物之庚不由矣帝於是始作  
咸池之樂張于洞庭之野有焱氏承而頌之曰  
鳳皇秋秋其音若簫其翼若干有鳳有皇樂帝  
之心於是風后從而賡之曰舟張辟雍鶴鶴相  
從八風回回鳳皇喈喈力牧載而和之曰敕爾

瞽帥爾衆工奏爾光誦肅肅邕邕無怠無凶帝  
曰昭乎哉天老之言也綠圖侍側拜手而贊於  
帝曰臣聞縹青者曰鸞齡黃者曰鵷饒紫者曰  
鸞多白者曰鵠得鳳體而分者也西有頒雀東  
有諫珂北有定甲南有錦駝鷄鷄飛光而暎天  
綬雞曳彩而駢羅竊鳳形而似者也且羽嘉生  
蜚翼蜚翼生鳳皇鳳皇生鸞鳥鸞鳥生庶鳥庶  
鳥之變乃產妖鳥是曰羽蟲之孽德下衰則得  
其分德又下衰則得其似德極下衰則得其孽

臣恐千百世之後澹見而甘聞誣天而矯神必  
求鳳而弗能將歌舞羽孽而珍貺咎徵天無口  
孰分其然否神無喙孰折其真偽誠乎幾何矯  
枉實多鳳之瑞世僅見孽世則那帝曰遠乎哉  
綠圖之見也遂乃命伶倫斷嶰谷之竹吹律寫  
鳳之音素女調三舌之簧炙笙象鳳之翼史皇  
作斧戾繪鳳之羽胡曹繭衣裳畫鳳之文又采  
飛龍氏之篆陳帝鴻氏之硯書之右書曰巾儿  
銘圖之左圖爲命帝驗



張治道

孔雀賦

嘉靖庚子余遊藩府見孔雀四一雄  
三雌佳麗閒雅珍奇可愛西北之人  
不識此鳥偶一見之目耀神聳衆賓  
歡賞余亦嘆羨感異驚奇觸情動興  
惜王不授簡才阻卽席歸爲之賦以  
遺同好詞曰

值崢嶸之歲暮遊佳麗之仙洲見南方之奇鳥

立浦嶼之清幽性馴雅而弗驚色儵爚而寡儔  
凜金火以成形占文章之孔修怒則危冠閒則  
舒體尾屢變而如雲貌恂恭而有禮雖寶愛之  
周身實珍奇之在尾金閃灼而浮光翠繽紛而  
極斐步款移而幽木舞按節而迤邐屢却顧而  
自矜每含情而獨喜見服綵而生嗔疾文章之  
奪已時晦陰以藏形遇朝陽而刷羽氣糾糾而  
射人聲嘯嘯而逐侶離炎方而更珍非江北而  
爲枳遂飛鳴於華林資飲啄於蓬芭信音影而

懷生何伉儷之相比固中禮之足稱亦明慧之  
可嘉雖鸚鵡之能言何靈表之堪誇用君子之  
利登虛虞人之網羅矚金翠之無色候鋒刃之  
暗加止則歛雲飛則散霞騫揚亂目丹彩奪花  
雖嬉遊於宮閣終懷想乎雲霄叫望舊鄉而延  
佇處異域而興嗟遠故山之羣匹懷嶺表之珍  
池叫類南冠之楚囚冤怔怛而柰何方其始也  
千金勿惜購自南邦致不單來到必疊雙跋山  
超海喻嶺越江鳥尊人賤地遠威降期一毛之

不損庶千金之可償保一二於千百謹存沒於  
毫芒恐風土之弗宜慮寒暑之相妨經年歲而  
始至豈日月之可將載南海之淑質供北人之  
奇觀觀閨閣之麗區美臺榭之雕闌慮龜玉之  
毀櫃托微命於從官若乃綺筵初秩佳賓咸蒞  
罷絲竹之孔歡命雅觀於禽類爾乃整步肅容  
揚尾戢翅襄首躋足斜盼流視意象如思動止  
無恙舉喙昂眉似陳其意我生何地兮我處何  
鄉恨不如鴻鵠一舉兮萬里翱翔華屋非不可

以娛樂兮柰離恨之鑽腸抱幽衷以徒止歷信  
美而徬徨雖極人之觀美徒增已之悲傷旣來  
路之弗知又雲天之渺茫不假容而強顏將何  
慮而何思斷懷土之素心忘異域之流離身鶴  
鳧而爲羣心鸞皇而作比不矜已以爲高每降  
志而自卑終惠養以畢命願委身而承怡庶無  
入而不得類達人之隨時

閨閣

朱靜菴

雙鶴賦

惟仙禽之高潔稟玉雪之貞姿翔崑崙之琪樹  
啄玄圃之靈芝共遨遊於碧落同沐浴乎天池  
與鸞鳳而爲侶矧燕雀之敢窺何虞人之見獲  
遂羈絡于軒墀蒙主人之過愛聊隱迹而棲遲  
故其呼之則應撫之卽馴山雞雜處野鷺爲倫  
志昂藏而獨立情偃蹇而弗伸若夫春雨初晴  
花陰滿庭臨風振羽向日梳翎或翩躚而對舞  
或夭矯而同行望故巢之修阻徒奮迅而長鳴

既而白露初降金風始高丹頂皎潔玄裳飄蕭  
發清唳於永夜徹遺響於九臯感遊子之躑躅  
使遷客之無聊爾乃安於棲息飲啄適宜受乘  
軒之寵渥釋籠檻之羈縻愧微軀之菲薄承眷  
顧之恩私感厚德之未報徒馳情而在茲永充  
君之玩好誓畢世而不違

韋衣

俞允文

蟋蟀賦

并序

蟋蟀秋蟲也猛性嗜鬪志在必勝其  
鳴聲又特悲壯庶幾感靈激神固蟲  
多之可貴然余覽國風月令及歷世  
才士所爲詩歌咸非專賦郭佳之博  
物多識又絕無定名率皆相襲而未  
盡其理因綴敘其所產化聊以備數  
焉其辭曰

伊蟋蟀之微眇兮惟秋蟲之獨靈含春華之昭  
質兮吸王液之清泠性耿介以毅武兮才盡節

以僊輕挺天姿而無因今相歷覽其修能不程  
才以知類今豈瓌異而見珍爾其爲類也則有  
噓噏洿浚叫嘯魁圻崩榛灌莽之原淳涔淺草  
之區綠房紫莖之囿黃苔白蘋之陂堀堞鬱燠  
滲漑沮洳埃藹菸芭夕勁朝晞潛潛濕濕底壅  
腐餘芴焉是產爲蠅爲蛆別有複閣成臺離榭  
幽堂玄疏黑礪之室曲瓊椒塗之房蘭金藻玉  
之宮璇題縹壁之廬清馨轉蕙之館晏溫流香  
之渠爰有麗人妙妓姣女妖姬嫵態柔情妖蠱

媮窳盤衍其中者忘日夜而冥迷熺綠烟燼朱  
液或乃淪精降魄含形儲軀詭色非純正氣戾  
違繇斯言之未足稱奇余固可得而略也至若  
月竈風丘蒸巒霧谷炎厓錡甗以帆壘露壑崔  
巖以峴峴崱施塞路峴嶻隈隩蹊絕往蹤藪斷  
來牧若乃眇豹孽狐魃魃獠獠犍牟格磔乎其  
側王虺巴蛇毒螭巨蝮歛尼陵卵乎其傍雄鴟  
猛鷲鵬鷹俊鶻咆嗥亶翔乎其巔赤螳玄蜂射  
蟻蠶喝噬嗜剖殪乎其陽山魃木魅陰鬼厲神

熊熊焉魂魂焉鋹窟宅而跳陸梁復有千年積  
死之樹孤軍隕馘之阬蕭蕭古燹簌簌蕪城仆  
雷之幹吭雲之楨櫛兮楸兮若隋若崩疊衆怪  
攢百靈壯瑰偉之所積卒成氣乎奇生其爲狀  
也則有敦腴紫茜平膚銀液斷斲霜葩股弩狙  
戟翅鑠流金翼凝點漆頂渥丹砂項墜青護鋸  
牙辟灌以齧齧巨顙硯礪而簡積馮馮今駉駉  
駘駘兮鬢鬢何奇形而異模差可仿象而鬣鬣  
亦將有公子王孫倖豎權威戚驃將豪商遊俠燕

飾三川五都之雄六郡三輔之客厭百戲之已  
疲歎黃金之無益聆烈音之碇礮羨節鄂之峩  
額命林穴以獮秋兮彈曜靈使西沉揮赫燦以  
列炬兮戒富媪以見琛爾乃頰玄顏炘浮林闢  
獬狃躡獐獐貼嶄巖剗岑峯飛聰硿濛沉明突  
冥巧網四匝狡穴三門雲布星羅下無軼奔闌  
茸殢魁梧臻畢獻所獲犒其最勤納以琦璜之  
窩飴以珠璣之榮沐以華清之潔晞以赫戲之  
晶攬翠鼓之纚縱攜青繩之臊腥信襲養之旣

和率應機而莫櫻於是命儔集好駢駕連纓相  
與狼觀夫戰鬪之變態廉度其勝負之殊形各  
施綵以代幟均約結以定盟設誘啗聒用壯敵  
情其始也則跋跋躍躍躡躡或峙若植鐵  
或蹶如陷石或囁哈而彪休或趨捷以狼戾或  
深沉似保介或佯攘象赴勢或怦怦伺抽憑或  
桓桓包慷慨乍渾奔以相囓儵急對而分躡擇  
肉而喇噉拉折扼吭而扳翻秘批聲砰磕以先  
鳴騁後凱而彌厲或逐北而隨旋或受詘以凌  
遽固三接而三捷亦再角而再礪循性情之自  
然陋孫吳之韜秘然後衆變殫單伎虺怯負者  
愁賄助勝者榮立價傾兩都射溢千鎰功以虓  
武見貴名以將軍是策豈獨衛鶴乘軒秦松受  
職此固媮樂之方信足以極一時之偉奇也若  
乃燕地飛霜楚水增瀾天峭嶮而短景風颼颼  
而薄寒才已盡而見放形枯槁而摧殘聲酷醜  
而不舒夜漫漫其未闌感唐風之覽化興楚客  
之永歎亦有貧士失職獨婦棲山久客登樓愛

子戍關畸人鞠而無偶壯士去而不還臨年被  
戮之孤垂老欲別之鰥忽傾耳以頽思何愁戚  
之多顏心有懲而彌亂涕無從而獨潛奚哀音  
之中人兮誰能破涕而爲歡蓋亦聲音之至妙  
也豈若簫琴之比律於夔襄昆蚊之嘒嘒蛇蜒  
云爾哉亂曰素節玉貞類介士兮雲翼振振發  
皓商兮馮化撰體靡有方兮窮陰朔割陽精降  
兮雖有奇心怙替爽兮俾協歌詩闡靈藏兮

縉紳

陳東

廐馬賦

有序

夫八駿著驕駟之稱九軼標絕塵之  
號豈非名因才立奇繇用顯若廼中  
廐之馬以良見收然而吉行不過十  
里仗立罔置一鳴而絡玉羈金席牀  
啗脯至與駑駘並論豈其志乎感漆  
園真性之云聊爲賦之

偉軼異之絕足兮欄騰祥而符聖孕房駟之靈



精兮覓呈圖而表應合乾德兮翹傑配坤行兮  
凌競光儵爚而龍見文蔚然而豹炳剡雙耳而  
削筩頰兩瞳之夾鏡爾其挺珍濛汜効異余吾  
神超飛菟態絕駒駝星流矢泄雲籥電趨朝凌  
碣石夕歷姑餘曳吳門之疋練溢齊侯之畫圖  
秦牙莫測其妙理馬援尚失於範摹管青不能  
得之臍朐女厲無所眺於膺臚體容與而翹蹠  
抱明姱以鬯舒惟盛美之龔備雖夫人其舍諸  
爾迺遴駿東臯獻奇北塞徂旅關庭隸分房層  
芳銖肝嚮靈牀爽塏幸路兒之解仇就小童而  
去害托圉牧於六閉並驂駃於一概譽玳珂之  
鏘錚纏弁纓之綵縹麥渥恩之洊加非真性之  
迫在抑曠志而未馴或遡風而沛艾乍趨迅而  
中蹠林鞭箠之泊逮踣足服馵垂梢諷調客形  
外澤主神內消棍斷斷以駟駢聞猓猓而遠姚  
赧秣斂於甘露愀望斷于流飈若夫挈壺虬盡  
長樂雞喙雉臯色辨魚鑰洞開夙羈寶絡昕時  
璇階于時黼座天臨師寮羣戾鸞旂簇萬龍墀

夾二駮鰲警而怔忡睇魚須而瞪睒聞鼓鐘而  
滄躍啾驤騰以踣地雄倪曾未作於鬚髯駑牧  
已見嗔其跽跼欬心煩而赭流羌又怒霑乎碱  
庀若迺玄時肇禋黃示報祐辟癰班敷明堂配  
祖雲整法輿星陳皇輅七駟夾轆以崇衛六虬  
方斲而翼扈駢蚪蛭以雷起塊虛驕而焱翥繼  
金鏐而不前噦玉鑿其有度左纛紛其督明方  
鉉虺以掣步聊侵淫以驪駟全踟躕而彳亍風  
馬騶共馳惆懍疇與夷世修文軍容偃武曾是吉  
行累期間舉然而役不逾時騁無暇路遙鑣未  
帀於郊畛前轡已迴於隍澣擗浮雲使不揚蹄  
絕塵其安驚睠修殖以長嘜結幽心而延佇隕  
權竒於攝僕凋滅沒乎駢駐昔鄭嗣知用而佑  
貴漢文量才而却受武帝罷師以釣竒昭玉縣  
金而設購彼已達策馭之宜用舍中才賢之穀  
篩翁已矣伯氏難遘慮賈勇以招尤甘衷心而  
順畜雖駕鼓以猶任况聞香而不艤神縈縈而  
頡羣意愴愴其戀豈懷殊姿而自疑曷神調之

可剖倘垂瞳於路輅尚邛鳴於華廡

湯顯祖

嗤彪賦

有序

予郡巴丘南百折山中有道士善檻  
虎兩函桁之以鐵中不通也左關羊  
而開右入虎懸機下焉餓之抽其桁  
出其爪牙楔而鋸之緝其舌已重餓  
之飼以十銖之肉而已久則羸然弭  
然始飼以飯一盃菜一盃未嘗不食

也亦不復有一銖之肉矣以至童子  
皆得飼之已而出諸囚都無雄心道  
士時與撲跌爲戲因而賣與人守門  
以爲常率虎千錢大者千五百錢初  
猶驚動馬牛後反見大牛而驚矣或  
時伸腰振首輒受呵叱已不復爾常  
置庭中以娛賓月須請道士診其口  
爪鑄剔擾洗各有期道士死其業廢  
予獨嗤夫虎雄蟲也貪羊而窮以至

於斯辱也賦之

夫何山中之一獸兮受猛質於西旻貌低團而  
項廷鼻黝隆而齒齧目斜匡而電爍聲倨頷以  
雷殷舌理粗而莖樹鬚鋒橫而獵人爪含銛而  
卷曲尾拂慧而絙伸叱形模其足怖矧精威之  
絕塵靜嘯而陰飈宰起坦步則稠林自分凜氣  
候之相制隱形勢而見尊况百折之深山常此  
窟之成羣黃斑屬而卧隴白頰連而飲津初涉  
味於牛馬遂舐及於人民尸震躬而屏徙或重  
遷而遠藩獨無生之道士故有心而與鄰力不  
加於子路術不詭於黃神布石關之宛轉交鐵  
葉以續綸界鳴羊於接檻誘聞羶而見循進密  
歷以窮路退躡躅而下門遂乃聊浪擲跌偪仄  
輪困始僮耗而怒湧久牢騷而意煩氣屈而敲  
力瘁而跋壙局拘而勢改積威約而理均於是  
道士欣焉待旦及晨舉之於懸處餓之以兼旬  
待威神之委頓任處置之紛紜未陷頭而投鬚  
先罨爪而剔蹠捩權牙於巨斧磨刺舌以疏巾

香泔變其腸胃清水洗其喉脣欲次第而施食  
已隨宜而致馴初猶啖以礮肉次則習以盤餐  
或設以糗粒之餘或投以松芥之根旣苦饑而  
伏檻敢擇食以對恩遂乃改山林之性氣狎雞  
犬之見聞遇夫人之下視卽弭耳而意親諒厓  
柴之已去放野牧以逡巡非止柔性兼弱其肋  
圓腰纖而脇息豔班摧而襞皴撫之而亦喜撲  
之而不嗔似巨狸之擾足若卑犬之纏身偶循  
隅而吐喑輒蒙呵而愴魂昔有大蟲之號今有  
小畜之云懊撐距之無時委降戢於非倫雖山  
君之短智亦梁鶩之淺仁見其弱而可弄牽以  
售而論斤有守犬其未足借虛名而守閹旣爪  
牙之久折亦何威而見奔第周旋於苑薄得混  
迹於冕磨學婆娑而昵主戲矍綽以娛賓感知  
音之君子被嘆涕之殷勤偉茲靈之巨猛鬱有  
武而有文偶脣吻之所及皆性命之相因論雄  
心與剛力固決乾而倒坤略網絳而風飛觸燖  
燎以雷噴哮怒則千人自廢憤蹶而萬瓦猶震

非胥疏其有欲何牢檻之敢陳偶朶願於跛羊  
落一髮於千鈞饑窘來而餌施利器往而性泯  
足人間之玩擾何氣決之可存諒如此而久生  
固不如卽死之麒麟

卉木

宋濂

奉制撰蟠桃核賦

有序

洪武乙卯夏五月丁丑

上御

端門召翰林詞臣出示巨桃半核蓋

元內庫所藏物也其長五寸廣四寸

七分前刻西王母賜漢武桃及宣和

殿十字塗以金中繪龜鶴雲氣之象

後鐫庚子年甲申月丁酉日記其字

如前之數亦以金飾之所謂庚子實

宣和二年字頗疑祐陵所書旣而奉

旨撰賦垂誠方來臣濂謹按

王母獻桃事詳見張華博物志第八

卷史補類華言桃七枚大如彈丸遺

帝五自食其二以今核觀之且十倍  
於彈丸則其實之如斗可知矣豈華  
出於傳聞而想像載之歟抑其言足  
信而後之好事者假托傳會之歟不  
然漢武內傳所謂桃如鳧卵形圓而  
色青者又果何如歟復按蔡京所記  
尚方有王母蟠桃核頗鉅京嘗相祐  
陵其見與今相符事當可徵然則傳  
志所載誠有不可信者歟臣敢忘其

固陋撰賦一篇俯伏 丹陛以獻初  
則極其形容終則一歸之於正云其  
詞曰

炎漢六葉實惟武皇闡坤符握乾綱祀汾陰建  
竹宮叶仁獸在郊赤芝薦芳西海獻續弦之膠  
弱水來燕卵之香慶諸福之畢集思騎龍於帝  
鄉幸靈桃之入口傳仙種於下方想其瑤階露  
寒彤庭秋迥銀燭未掩畫屏斜映啓承華之祕  
殿眄瑤池而神騁忽王母兮遙臨托青鳥以傳

命鬱佳氣之葱龍覲芳姿之妍靚於是玳席初  
延霞觴屢傳蘭辭吐今襲人縹袂舉今高騫紫  
雲之輜輶暫駐九微之燈火猶然乃啓錦幪乃  
濯翠邊乃出桃實獻于帝前味甘醇而如醴色  
含腴以不乾鸞刀割蜜神液流泉上滋華池身  
輕欲仙將懷核而種之斲上林之寒烟王母微  
笑塵世易遷儻花實之並見歲屢閱於三千唯  
紫府之列真視滄海於桑田彼窺烏牖之小兒  
尚奚測夫幽玄斯核也匪鑄而成匪陶而凝籍

五行之亭毒資六氣以流形鄙瓠犀之脆薄並  
玉質之堅貞爪之不入叩則有聲知何年之中  
析存半璧之晶熒俯貼金盤巢蓮之龜藏六仰  
承玉露常滿之杯弗傾銳首聳兮尖岑豐下楮  
兮墜星衆皺感背文之籀一窪暈面色之頰荷  
盤欲展蚌甲未扃藏仁之跡猶在含肌之罅如  
生函肉好之隱約圍合線之交層龜鶴軒翥兮  
顯象寶章絢爛兮金明鳳占鸞彝同藏珍於天  
府星形月魄挾瀨氣於蓬瀛嗟夫自昔仙靈惚



悅難憑出無入有變幻莫停橘類益今巴園棗  
如瓜兮漢庭恣燕齊之方士騁詭辨之奔騰瞻  
雲路之咫尺恨凡骨之難登以雄才之蓋世甘  
昏溺而不醒至若建章月淡甘泉風冷銅莖中  
峙仙掌高擎望飈輪兮不來徒馳情於窈冥苦  
白日之易短兮竟莫制於頽齡核雖存而人則  
逝兮悲秋風於茂陵矧宣和之繼軌兮慕鼎湖  
之龍升托青華之帝子設神霄之玄稱何殷鑒  
之不遠踵覆轍其相仍天啓

皇明 真

人龍興順堪輿之大化調陰陽之至精道德行  
今卽龍虎之丹顯忠信昭今勝鉛汞之功弘以  
九州爲仁壽之域儕兆民於喬松之朋神機流  
浹太和薰蒸指佞人兮草生屈軼齊氣朔兮階  
秀堯莫視區區之遺核初何繫乎重輕此所以  
革往古之荒唐法唐虞以作程也諱曰  
桃有核兮大逾掌歷千齡兮多惚悅慨靈仙兮  
勞夢思誰見崑丘兮紫芝長 真人出兮海寓  
寧禮樂爲冠今仁義作纓簫韶九成兮鳳皇鳴

青鳥不敢徠兮幻說清千秋萬歲兮永長生  
竊記徽宗本紀宣和元年己亥二月庚辰改  
元遂易宣和殿爲保和殿至四年壬寅夏四  
月丙午詔錄三館書置宣和殿及太清樓祕  
閣始重稱宣和今核上之字刻于二年庚子  
之甲申月乃不書保和而猶襲宣和之名此  
固不可不疑况丁酉日屬庚子歲癸未月之  
終今復隸之於甲申月之首尤有不可得而  
致詰者頗意此核非漢武時物字亦非宋祐  
陵所書雜書所載海外之國多大桃雖不可  
盡信或者得其遺核特依倣而托之者歟然  
濂年已邁舊學皆廢忘未必其言之足徵也  
姑書之於此以俟後之君子云

汪偉

落葉賦

大火旣沒玉衡回標著微霜於短草振修柯以  
輕颺丹鳥行宵以含景玄禽望社而違巢嘆百  
卉之何知亦感時而早凋於是梧飄金井之牀

木落洞庭之浦岸柳江楓前槐後桐碧者爲丹  
堅者爲竄望歲蕤今朝霞聽浙瀝今夜雨初戀  
條以猶澁終脫然而別去忽紛沓以爭先漸悠  
揚而獨下或既往而獨還或已墜而更舉顛倒  
自擲回旋效舞趨遠若避控空如捕逐水迢遞  
隨風容與惜連駢而異分懽邂逅而相聚無根  
蒂以焉托任飄泊其何所悲興弔楚之騷人詩  
遞深宮之怨女圓者如錢銳者如斧剡者如圭  
平者如楮龍鬪兮摧鱗鳥鍛兮委羽填溝湮谷  
浮渠汎渚雖使隸首握籌子房借箸蓋亦莫之  
能數也若乃嚴霜之晨皓月之夕深閨懷遠之  
婦戍邊思歸之客莫不感之增悲對之太息夢  
繚亂以難成思紛糾其如積爰有松栢凌寒不  
殷表秀色於疎林揭孤標於空山獨心許兮幽  
人相與同兮歲寒

陸深

瑞麥賦

僕閒居田野多見瑞麥兩岐三岐至

五六岐彼九岐者得於傳聞殆未之  
見云實有之感茲休禎造賦一篇有  
頌有美有風有刺義主勸戒附於古  
詩人之譎諫雖不足以希蹤相如子  
雲庶東京之流亞也示我同志靡得  
而布焉

天子正德五祀孟月維夏知知子瘍發下體更  
朔新愈有客唁焉登堂三揖乃掀髯吐論曰夫  
物有異產事有奇遭談肉者不可與論味昧采  
者不可與卽文闊哉希乎今茲之所覩也子足  
良苦抑未之知乎知知子蹙然而起危襟橫几  
奉客下風曰唯唯願客詔之客曰走故農家五  
穀是理爰自弱齡勤厥四體今年逾知命而豐  
穰凡幾一畝三石稂莠吐米皆未若今歲之爲  
瑞也麥苗芄芄穉岐爲二揚芒含穎復爲三四  
多者五六將將覆地東鄰一莖九岐尤異殆淳  
和之所薰蒸而上帝用以錫類也周書異畝漢  
歌兩岐陋昔人之誇詡昭后皇之惠慈雖蒙白

之翁負玄之老皆緣畝玩視相與嗟咨若走者  
齒髮猶盛涉歷未廣宜乎驚悸而夥願也知知  
子仰屋太息索然久之曰否否客何談之整也  
夫緣物者貴質敷文者適用且夫麒麟之希難  
以療饑芝菌之祥難以充庖雲錦之爛難以禦  
寒蠙蚌之光難以續膏是以聖明抑難得之貨  
壅不稽之言誠以重本而緩末棄無益而卽有  
用也客幸目覩岐麥津津稱瑞民瘼甚矣果誰  
之致獨非客之所觀見者乎試爲客語往歲已  
已運厄元元夏雲被壅淫雨注天晝夕閱七颶  
風相牽海波怒而山立江湖噴以駿奔蛟龍舞  
於街衢岡阜淪爲澹淵漂尸橫野浮畜蔽川千  
里一壑萬竈絕煙於是百年之完聚連邑之生  
全化爲魚鼈葬於鯨鱣者殆過半矣暨乎水退  
民失故居滄桑一變形勝都非朱門沈其閭閻  
碧瓦蕩爲丘墟鳥窺巢而不下狐訪穴而重疑  
號哭振野提負沿途父棄其子妻別其夫相與  
轉徙乞丐奔逐投依若流星之逼曙而敗葉之

辭枯也於是強有力者牢朽材於古岸塞行潦以腐薪依濕林爲棟幹綴敗席爲闥閤溷爨無別卧食不分十併爲五棄仇講鄰相依爲命枵腹連旬野無留菜樹不遺根徼倖於萬一苟活於旦昏爾乃積陰鬱結隆冬盛寒層冰千丈竹栢枯乾豈祝融之故都爲玄冥之駉驂何曖曖之陽國顧風烈於塞垣民無夙具習不素安於是受凍而仆者又如于矣天子方軫念南服融照閭閻發德音大王言貸常賦闢四門封簡書

於芝檢勤使者於輜軒省大官之供調減司寇之坐論賑倉廩之儲積蠲逋負之浩繁方將奪民命於溝壑續生氣於遊覓蓋三五之罕有而二氣所不能全之曠恩也良有司方憂經費之不足懼考課之殿後鴻澤持而不下限令疾於電走朝四暮三示一藏九使民破十家之產僅足以輸一家費數畝之田未足以賦一畝笳鼓盈村擾及豚狗爾乃制爲嚴刑迨及黃耆巨木囊頭重金繫肘臀無完膚指欲墮手谿壑之填

未厭伸暴之門何有於是子遺之民瘡痍之未  
斃於敲扑困於征科者蓋淪胥以盡漸不可久  
矣戾氣醞釀蒸爲疫癘方且乘陽發騰獷不可  
制今枕籍而病卧者比比皆是招醫降巫若憤  
若醉是其凍餒蝕於胃腸刑罰慘其心志發雙  
伏而並攻何方藥之能治厥禍方萌殆未知其  
所至也使壟畝之植一本而十岐共蒂而百穗  
將安救之而客誇以爲瑞哉且菽粟所以貴於  
珍鼎布縷所以加於玄黃者爲其有用也今夫

用者徒存而用用者已亡是謂隆虛而病實忘  
遠而娛細矣僕竊爲客贅而不取也客聞而慙  
然曰噫嘻有是哉子之迂也信乎執一者未足  
與權二泥彼者不可與適此子徒鑿於已已之  
變爲流而不止乎是殆滯於陰陽之迹而未深  
於斯理者也且夫於穆之化園運不已剝終必  
復泰因於否吉凶互尋禍福相倚夫蟲之蠕蠕  
也不屈不發地之隆隆也不伏不起數逆斯通  
氣順乃死是故九載之水或以成堯七年之旱

終以啓禹子豈知夫凶儉之後繼之以豐稔登  
進之漸承之以君子耶然而氣機橐籥必有攸  
始兆先於物發遠伊邇鍾鳴而隕霜礎潤而降  
雨走誠得於俯仰之餘是以釋近憂而崇遠喜  
也且夫麥備四氣實首五穀詩人頌其於皇下  
氓賴以率育續歲功於發春函潛氣而多淑是  
休嘉之先露僖斯理於將復示帝心之仁愛啓  
方來之祉福諒有開而必繼孰無徵而迺獲走  
且與子託丘壑以優游咏皇風之清穆是故有  
取於麥岐子何責之備而論之刻叶耶知知子  
不能難客乃躡履而退曳杖而歌歌曰麥秀兮  
多岐覆壟兮纍纍彼其之子曾是兮弗思於是  
知知子返乎潛室沈思淵默緯情愫於渾淪抽  
端緒於開闢推玄化之始終考休咎於遺冊覽  
春秋之所書測消長於三易道有殊而歸同理  
旣契而心戚然則客之言似亦未爲失也將以  
厥明戒館客循阡陌辨麥岐之疎數聽鄰鄭之  
損益問勤勤於三時弔疾苦於緩急於時風輕



景融煙朗霧清謝彫輿却繁纓被大練策溪籐  
道以童子從以經生指三汀以東鶩遵龍江而  
緩征瞻桑梓於原隰拜松楸於佳城睇海氛於  
極際儼波浪之奔轟感釣遊之舊踪慨歲月之  
不停藹里墟之蔓延有孤物而屢更亦浮雲之  
多態何難樹而易傾悵久寄於異土心戀戀乎  
故京方徘徊以瞻眺塞徬徨而屏營顧見道左  
麥穗岐岐本同末異旁無附枝始戟戟以競秀  
竟變變而莫携將神工之妙合復化釣之巧持  
或雙昂以森矗或左右以紛披或越畎而希挺  
亦共房而駢垂薄長飈以洄洑照圓景而陸離  
等比翼於異類啗連理而不爲固物薄而稟厚  
騰衆喙以增奇胡哲人之超軼隨所如而見疑  
昔宣尼之瑞魯匡人怪而圍之比干之忠殷曰  
不祥而戮尸彼二聖且猶然般罹此又何辭抑  
軒輊之偶致將彼蒼之有知於是歷覽旣倦義  
馭未疲覽厥穎異采掇以歸洵皇澤之滲漉拯  
黎民於阻饑託子墨以宣秘聊洋洋以陳詞

申時行

瑞蓮賦

有序

惟

聖皇御曆十有四年道化

滂流和氣翔洽于時崇慈寧之新構  
備尊養之上儀大孝潛孚靈貺昭合  
乃有嘉蓮獻異重臺發祥萬乘臨觀  
六宮燕喜信熙時之上瑞馨德之貞  
符爰付丹青用垂琬琰命臣等賦之  
臣謹拜手稽首而作賦曰

若夫璇宮壯麗紫殿巍峩接蓬萊之仙苑環太  
液之恩波渟泓玄澤醞釀醇和欣嘉生之咸鬯  
紛靈瑞其何多宛彼芙蕖嫣然沼沚載以文罌  
陳之金卮覆碧葉兮田田漾清漣兮泚泚被蒨  
紉蘭抽黃曳紫旣冉冉以流馨復重重而結綺  
爾其艷外生艷華中吐華剖碧房兮敷絳萼幻  
珠寶兮成丹葩粲英英其疊起芬郁郁其交加  
乃若旭日方升卿雲有爛初抱赤兮若傾忽飛  
丹兮若煉如盤如蓋臨金掌以瞳朧非霧非烟

照虹梁而燿燦又若桂輪乍滿蕙露初零凝清  
輝兮湛湛漱芳潤兮盈盈紺宇層樓接銀潢而  
瀲灩雲鬟高髻開寶鏡以晶熒又若涼雨纔收  
薰風徐送濯雲錦兮澄鱗舞霓裳今飛動凌波  
綽約宛洛浦之驚鴻翮羽翩躚悅秦臺之儀鳳  
至于星敷電發霧變霞蒸觸景而生態隨物而  
賦形縱他卉之穠麗未若茲花之最靈觀其托  
體慈闈敷榮秘殿映藻井以生妍傍綺疏而呈  
倩煒煌三秀之庭搖曳五明之扇載色載笑如  
承長樂之懽來遊來觀每荷重瞳之眷詫神物  
之有知信人寰之創見豈比夫駢花並實連理  
分枝望舒生於漢圃合歡產於唐池太華峰頭  
徒詠如船之異麻姑壇上虛傳變碧之奇斯蓋  
重申之佑命特顯象於昌期猗歟我皇  
德如虞聖時業業以憂勤日夔夔而祇敬承顏  
順志極尊養之隆解慍阜財布寬仁之令故珍  
貺駢臻而奇祥疊應繩繩繼繼用彰累葉之休  
赫赫明明式表重華之盛尚增修於玄德庶永

承乎天慶

封君

鄭昭

蠹木賦

小圃雜植果木間蠹生不暇與治暮  
春之月衆芳競發香氣襲人予往玩  
之或愛其枝葉之茂而忘其心腹之  
疾攀而隨折因見蠹蟲在中動以待  
斃感之作賦

方春發生萬物爭榮旣靜觀夫自得亦俯仰而  
含情涉後園以適趣愛嘉樹之繁英匪斧斤之  
斯伐忽根株而自撥相枝葉之無傷而顛沛之  
何說細觀厥木外完中缺豈綠竹之虚心奚脉  
理之內絕爰有一物哲質素章蛸蛸蠢蠢冗于  
其中殊屈伸而無撓若進退之難容居然就食  
其名爲蠹蟲予於是歔歔悽愴呼兒曹而語之  
曰是予之過也草木有生而無知中心愛蠹而  
莫治因循日久喪其生理予知培其表而不養

其裏維實之食壹至於是廣而言之亦風人之  
取譬也兒曹曰願卒聞之余曰噫嘻凡茲植物  
品彙不齊叩其性質則有陰陽堅脆貴賤修短  
之殊蹊是以神芝仙桂生於絕域長於天闕根  
盤九陰香薰日月夏無炎蒸冬無霜雪鬼魅畏  
之避不敢越迺若三河之隩五岳之麓椅梧生  
於朝陽栢栗聳乎故國文梓則出走生牛貞松  
則棲息白鹿復有香生楓柙才美楠楸松子古  
度平仲君遷周則召伯所憩漢則將軍坐焉莫  
不紛披宵露傲睨晨煙風雲颺颺節勁心堅含  
聲抱律黛色參天巢鷓集鳳無慮千年故東海  
之廟以白木名西河之社以枯桑稱楊葉關於  
北陸梅根冶於南陵豫章以之名郡刺桐因之  
爲城是皆不蠹之木永其壽命而爲神人之所  
憑也次則徙植河陽移根楚畹菟園縹玉之娛  
金谷綠珠之選勤輿臺之栽培窮昕夜之鋪畚  
燥濕是調腹心無沴花實任其開落春秋忘其  
近遠若夫孤山淺壤木雖有材風霜摧折牧豎

撼排鳴鴉啁鷓菌壓苔埋徒使存心負節淪沒  
蒿萊外戴瘦瘠下拂塵埃桂銷亡而莫惜桐半  
死而誰哀至如柑橙橘柚之屬層枝剡刺含液  
抱膏根柢何有於蟠蚪疾痼端起於秋毫幾微  
不剔至尋斧柯嗟斯木之受病遂付之無可奈  
何載觀是蟲初無種類胡爲乎生但有屑木之  
能曾無聲音之異命與木俱木傾則死惟人物  
之理一吾於是乎有取是故妹喜蠹夏妲已蠹  
商褒姒蠹周宦豎蠹於漢唐使三季不蠹女寵  
則國祚固未可論漢唐不蠹宦豎則天下可至  
今存於戲天地之性惟人爲貴端厥身心統理  
萬類逸居飽煖無所猷爲敗家凶國與蠹同歸  
物有小而戒大事由微而至著是用擬詞比之  
風刺

皇明文徵卷五

皇明文徵卷六

晉江何喬遠稗孝選

樂章

縉紳

王紳

擬

大明鏡歌鼓吹曲十二首

并序

臣幸生明時獲際雍熙之治世職儒  
業而臣又叨竊祿位媿無以輔黻皇  
猷伏觀  
太祖皇帝手提三尺

取胡元平僭亂以肇造區夏所以雪  
近代之耻其功誠不在湯武下可無  
所述以見于咏歌以被于音樂乎爰  
取漢魏以來所載饒歌鼓吹詞倣其  
體為十二篇以紀豐功偉烈曰

大明饒歌鼓吹曲以上雖其言蕪陋  
不足以鋪張萬一或者命將出師之  
時用之軍旅行陣之間亦可以知

祖宗締造之艱難與佐命元勛

之勞烈臣不勝惶愧之至

元季亂極四海兵興 太祖皇帝

起淮泗平僭亂正大統為神龍躍第一

神龍躍奮滄溟耀光彩揚威靈沛厥澤甦群生  
德所被枯者榮著仁譽藹義聲一戎衣天下平  
混華夷俱來庭歲僅周武功成考厥績如日升  
萬斯年昭大明

右神龍躍二十句句三字

蠻子海牙以舟師扼采石王師與戰克



之爲燿奔鯨第二

鯨之奔勢甚張率醜類橫大江礪厥刃比厥航  
聯伍爲什黠且狂

皇旅奮義旗揚兵所

指冰沃湯衝其要扼其吭有弗若者嬰以鉞鯨

旣燿授我疆天兵赫赫從此光

右燿奔鯨十七句

十四句句三字三句  
句七字

元將據建業天兵擊之爲開洪基第三

江之表惟建康負天塹勢莫強彼昏不知肆壽

張恃其險干天常

皇震怒整戎行義旗

一指虜馘亡授我首啟我疆大業已建洪祚昌

右開洪基十三句

十句句三字三句句  
七字

陳友諒據豫章

太祖親征之大

戰鄱陽湖友諒死降其衆爲平江漢第

四

江漢湯湯厥惟豫章醜虜憑之以恣寇攘屢涉

我疆以跳以跟天眷有明命我

哲皇爰

整其旅以扼其吭戈矛洸洸旂旄煌煌部伍行

行解艘將將鏖戰大呼雷轟電揚虜酋旣斃虜

衆亦降凱歌以還形於樂章於赫武功上媿商湯

右平江漢二十二句 句四字

張士誠據全吳命師縛之爲縛狡兔第

五

趨趨狡兔固其窟穴跽伏草萊肆厥慧黠跳跟

三吳馳突兩浙 皇命征之授以節鉞桓

桓虎臣鷹揚大桀兵不留行亦不霑血力屈智

窮自貽杙檉銜璧而歸繫以縲縶民夷旣平天

討斯揭偉哉豐功允矣超絕

右縛狡兔二十句 句四字

元順帝能知天命舉族北歸燕京悉平

爲平胡邦第六

胡運旣去如秋之索德政不修疆宇日削爰肇

我邦于彼朔漠義旗所指摧山震嶽君臣稽顙

若崩厥角舉族遠遁不待誅縛旣屋其社寰宇

清廓伊誰之力惟 皇先覺

右平胡邦十六句 句四字

方谷珍自元末跋扈東海命將征之舉  
族來歸爲波海平第七

元政旣不綱萬國兵搶攘梟雄利草昧突起溟  
海傍名號僭相加狼貪狼如羊大舶連百艘雲  
濤相擊撞叢爾鯨鱣窟自擬蛟龍蔽天兵渡東  
浙疾若列缺光投戈載妻子逃匿海中央尋復  
係厥頸來詣轅門降震雷旣輯聲朝暎出扶桑  
帖爾波不興浩劫塵不揚殘民沐文化宛若鄒  
魯邦

右海波平二十二句

句五字

陳友定據全閩出師執之爲拓閩境第

八

真主起淮泗沛澤加無垠陳氏逞顛獬烽火連  
七閩自恃險且遠偃蹇不我臣天兵忽爾加奮  
擊速且神執訊仍獲醜困彼涸轍鱗凱旋獻俘  
馘磔裂狗頑噐海堧遂清靜千里無纖塵群民  
樂蕃息煦煦涵陽春

右拓閩境十六句

句五字

張師道李思齊據關中天兵平之皆入  
職方為定關陝第九

元德昏政婪婪氓戚慙于旻情上格命明君  
二豎無職方信梗我化據中原王師下加猶不  
循雄兵烈烈車噉噉鐵山且碎虜曷存禡爾魄  
奪爾魂熾厥渠魁吊厥民關陝平蕩無妖氛

右定關陝十七句

十二句句三字五句七字

元社既屋苗裔猶存大兵再加窮極漠  
北而胡遂滅為蕩胡穴第十

元氏有天下腥羶我中原垂髮裂冠冕士效咿

嚶言

聖人受天命遠續皇王傳手提三

尺劍起自淮泗堧削平諸僭亂胡遂竄鼠然屏  
跡雖甚邈天討不可延窮追及沙漠巢穴無復  
全卓哉皇業勲上雪唐宋寃

右蕩胡穴十六句

句五字

明玉珎據全蜀僭大號師出討之舉國  
來降為關川蜀第十一

夏明氏據全蜀僭大號保四隩恃其險遠弗臣

伏我師征之兼水陸搃厥吻搗厥腹以杖擊地  
駭神速焚爾櫬受爾玉待爾不死恩尤薦陶至  
和被清穆五十四州歸化育

右闕川蜀十五句

十句句三字五句句  
七字

元屬梁王保雲南招諭不降師出征之  
梁王死六詔平爲斡苞枿第十二

巨木旣蠹根本繇傾爰有粵枿猶假息以生

皇曰肆哉母讟我兵俾其自歸庶不戕我  
氓屢遣使命諭以至誠蠢茲弗靈恣其頑冥

皇赫斯怒爰整旅以行熊羆百萬如雷如  
霆摧朽拉枯烈烈轟轟虜酋旣熾熨熨悉平遐  
爾歸化四海繇以寧

右斡苞枿二十二句

十八句句四字四  
句句五字

王景

嘉禾進

堪輿寧叶氣蒸萬彙茁嘉禾生祥飈瑞露凝光  
精一莖九穗有三登田畷駿奔進天廷薦宗廟  
將德馨時和歲豐樂太平乃知天子在樹德雲

龍風虎開休禎

野繭成

瑞道昌至治明萬化滋植盈入荒猗歟野蠶集  
我條桑載生載成以奮以黃以登于明堂至和  
磅礴黻文章縑爲五采絲上補虞舜裳

騶虞獻

騶虞至周服至仁表天造饑不食生畜行不踐  
生草 聖皇御宸極德澤被枯槁林邑神

聖初召南風化首邁遐躅前無偶啟貞符垂悠

久

神龜呈

箕疇演洛之靈玄龜出聖之精皇孝理表八紘  
役五神策六丁胤五總符十朋介金石利永貞  
天子九九八十一萬歲壽與天齊并

黃河清

黃河清七百里水晶宮下見底 聖人在

位天心合并六合澄清萬國文明捐雜佩兮蒲  
津遺玉玦兮龍門川后蹠而陳辭兮錫蕃釐于

聖君

四夷來

天子踐祚宏拓皇謨義聲翕沓陰肅陽噓東欵  
扶桑西徼余喜澣海祝栗統爲一家繩牽索引  
咸傳于都莫不震懼天休涵濡狉狉以拱  
宸樞玉帛匪頒王會有圖萬歲千秋協我貞符

潘恩

嘉靖鼓吹曲辭十二首

并序

今皇帝聖神文武嗣登大寶潤色鴻猷禮樂肇

興幾務緝穆建中和之極希泰皞之  
治徵諸往昔鮮矣其倫臣占濡棫樸  
歷有歲年因耳目所睹記輒倣漢魏  
舊辭撰嘉靖鼓吹曲十二篇于以鋪  
張景烈庶幾後有攷焉

上奮

跡楚邦統序世及人心說豫天曆歸  
昌爲神龍躍第一民惟國本食惟民  
天哲王重之乃耕帝藉爲古先農第  
二堯師務成舜師紀后

帝親

屈萬乘重幸太學爲惟孔師第三祖  
考上賓精爽如在行乎墟墓則仁孝  
勃興爲望園陵第四乾元資始禮崇  
大報爰稽周典特立圓丘爲王者興  
第五地道配乾生殖萬彙乃樹方澤  
肇祀北郊爲至哉坤元第六兩儀代  
明施光下土春分朝日秋分夕月各  
峙壇壝以秩祀報功爲抱靈耀第七  
營夜明第八宗廟之祭曰有常經尊

祖親禰不昵不䟽則仁昭義達爲桓

桓 二祖第九古先聖王開物

成務德大流光胡元入主氛濁中夏

聖衷淵遠乃隆廟祭以崇大功乃斥

祀元以嚴大分典禮無愆爲天作君

師第十周城朔方漢列亭鄣內修外

一而後疆宇乂安爲蠹爾胡第十一

威以伐叛德以綏來期于九服咸賓

夷夏統一爲嗟南交第十二顧識見



猥劣辭指凡蕪不足揄揚萬分要之  
巴人奏節雖乖寡和之音候鳥希聲  
亦適自然之分云爾

神龍躍楚之淵符昌運叶上玄膺寶曆受舜禪  
駕六飛北如燕越襄鄧涉河壖虎旅發如雲屯  
星旗揭隨風翻朱鼓振聲砰闐陟元后統承天  
式王度勅人官百靈輯庶務虔法  
皇祖  
無忘愆光四表耀八埏永保定億萬年

其二

古先農肇力田藝百穀重民天藉千畝炳遺編  
我 后興思王道圖無逸稽本約寶稼穡  
軫登耗農祥正扈鳥鳴杏華白菖葉生釋九五  
稅郊垆乘鸞輅建青旗張翠蓋駟蒼螭秉朱紘  
躬三推翳臣民助終畝慶惠流均勞酒典禮行  
儀文脩洽萬國澤汪濊民所懷懷有德祚延長  
天無極

其三

惟孔師明王道著六經垂鑒照唯太學育才賢

端化本正所先惟前王右文術迄我明守無失  
帝紹統極褒崇諏時日臨學宮咨古訓  
從臣工榮生闕里樂哉辟雍尊儒重道海內同  
風嘉靖之治光大日有功上與唐虞相比隆

其四

言望園陵天壽之陽玉魚蒙翳月榭淒涼王氣  
攸鍾鬱乎蒼蒼  
神孫奕葉朝明堂懷思

祖德胡能忘選徒命車出自上方霓旌容裔綺  
驕驥經行輦道增輝光  
皇情如慕倍愴

傷鼎湖龍髯杳無迹橋山劍履霜華白洋洋如  
在神靈燁赫佑我  
嗣皇玄祐穰穰於萬

斯年壽命長我明鴻業鞏固同苞桑

其五

王者興父事天嚴大報禮文虔營泰壇郊之南  
越前規後後觀三成崇表蕝簡樸契幽玄色青  
象乾體規合擬形圓特祀循周典  
皇心

更精專惟彼仲冬時初陽肇芽滋龍旂承歲事  
大次設郊圻芳齊湛陶爵繭栗潔牲犧黃鍾奏

今雲門舞管蕭炳兮德馨吐

上帝居歆

澹容與於昭左右惟

皇祖天神格兮協

氣蒸祥風瑞露凝光晶百昌植兮布休禎歲豐  
人和歌太平

其六

至哉坤元其德厚載代天有終化溥無外乃營  
泰折于彼北郊井列寒泉澤注玄濤仲夏日至  
微陰始生瘞土麗牲祀事孔明進芳糝兮裸獻  
秉黃琮兮旅薦樂函鍾兮八變靈祇格兮光爛

膏澤四沛攸同六府孔修業崇九州睦睦雍雍  
猗與富媪之功

其七

飛鳥抱靈曜皎皎圓如規吐華若木端拂羽扶  
桑枝燭龍破幽冥罄宇照無私構壇東門外修  
祭仲春時

天王服玄端奠璧享多儀感

通介繁祉品彙仰春祺重光協圖應明德長無  
衰

其八

乃營夜明于郊之西靈壇婀娜晶晶含輝維此  
秋中白藏司節顧兔光流時惟夕月乘輿出次  
實柴禮行載潔我楛載薦我牲芳馨肸鬻永矣  
重輪照臨下土受天之慶

其九

桓桓

二祖勦業兩京烈烈

六宗

著德守成

羣后配天丕顯丕承維我

睿宗斤斤其明篤生

聖子爲天下

君

祖功宗德穆穆煌煌於赫清廟九葉

重光

帝念厥序允也不忘緝熙祀典祠

禴蒸嘗乃新禘祫作世典章德馨四鬯

祖考是皇締我明業永永無疆

其十

天作君師維民之則代有聖神勦物開極天厭  
腥德元祚告終我

明紹統受命景隆爰

思古帝掄及臣工作廟翼翼以報豐功上自三  
皇訖于宋祖春秋承祀惟天下主和鑾按節振  
鷺修容駿奔對越罔不肅雝明信上格神罔時

惆 皇帝萬壽福祿來崇

其十一

蠢爾胡肆鴟張彎弧馳馬掠我疆來則逐去不  
追古來天子守四夷御闕庭念邊民 皇  
心眷眷欲西巡命元輔輟講筵驅車闕外代行  
邊東鴈門西甘寧往來萬里白榆城修堡堞賜  
金繒士心懽悅虜塵清讐天驕絕地維殿中端  
拱垂裳衣

其十二

嗟爾南交限閔山海附屬我 明歷年靡

怠彼昏莫庸敢煽梟風肆行攘寇王祭不共

帝赫厥怒命將徂征匪棘匪疚皇國是正

洸洸司馬臣惟伯溫受策中朝仗鉞軍門申誓

師旅凌厲風雲陳于鄙野鉦鼓殷殷夷落震驚

天威是懼節解枝披罔敢保聚角崩稽首道獻

壺漿父子面縛上表乞降迺書露布達于神京

天子神聖迺宥爾生革彼僭王授以都

統籍其土疆通其職貢群方順軌霄漢永懷車

書化一言登泰階

屠應垓

武廟樂章

迎神

於穆

武皇峻德唯神纂圖振烈錫統垂  
明奕奕新廟燁燁精禋鸞華佇景秬鬯儲馨奉  
璋攸宜適求厥成永思無斁皇降居歆

初獻 武功之舞

惟皇烝哉於鑠濟哲八駿業業六師孔捷南有  
苞蘖覲我黃鉞旣震旣遏萬邦有截惟萬邦罔  
弗同耆定武功

亞獻 文德之武

受命明明緯武經文厲醜旣平髦士攸登襄襄  
馮馮保大翊成皇度永貞昭我德音

終獻 文德之舞

睿聖淵淵令終罔愆永命蹈宣陟配于天  
烈祖有訓允迪其揚之眷予承服基命其康  
之基命斯皇百世熾昌駿惠無疆休有耿光

撤饌

禮樂章矣嘉薦芳矣祝辭罷裸告靈饗矣告靈  
既響降福穰穰篤敘萬年壽考不忘

送神

皇神鬯兮旋寢宮寢宮肅兮神有融予惠成兮  
穆皇風歆陟降兮后惟同肇稽古今奠無窮承  
歲事兮萬祀攸隆

琴操

御製

宣宗章皇帝

臣何喬遠恭輯

猗蘭操

蘭生幽谷兮曄曄其芳賢人在野兮其道則光  
嗟蘭之茂兮衆草爲伍吁嗟賢人兮予求汝輔

縉紳

宋濂

客有吏於海東者以能擊貪暴聞然  
終用是受誣嘔血死予友胡徵君爲  
著哀辭一通予讀之甚悲竊取其意

作哀海東傷妣女二操使善琴者彈  
而和之

哀海東

我哀東海而思之苦彼何人斯猛噬如虎我不  
擊之我民之憂縱不我與覆以我爲仇蒼天雖  
高寃其有極非血之嘔曷明心赤泱泱大風沉  
沉寒泉含旃含旃我尙何言

傷妣女

有妣者女顏如舜英詆我以醜我其何傷眩白  
爲黑古亦多有自尤不遑敢誰之咎黃鵠飛來  
其音閭閭我心苟安何戚弗欣天上地下命也  
奈何焉知其他

朱右

將歸操孔子之趙聞殺鳴犢作

河之深兮誰將厲之河之淺兮誰將揭之河洋  
洋兮不我濟之竭澤以漁兮蛟龍辟之覆巢殀  
胎兮鳳凰去之夫人有知兮予實類之九州博  
大兮將予遂之







